

## Morning Dogri (NSD) National News Bulletin 21-02-2025

आकाशवाणी

1. प्रधानमंत्री नरेंद्र मोदी होर अज्ज नमी दिल्ली भारत मंडपम च SOUL लीडरशिप कॉन्क्लेव दे पैहले संस्करण दा उद्घाटन करडन।
2. विदेश मंत्री डॉ एस जयशंकर होरें आक्खेया जे पच्छम एशिया च शांति ते स्थिरता दुनिया लेई बड़ी मती जरूरी ऐ।
3. दिल्ली सरकार 5 लख तोड़ी दे ईलाज लाभ कन्नै आयुष्मान भारत योजना लागू करोग। मुख्यमंत्री रेखा गुप्ता होरें आक्खेया जे विधानसभा दी पैहली बैठक च कैंग रिपोर्टा पेश कीतियां जागन।
4. उत्तरपूर्व भारत च भारी बरखा ते गरज कन्नै फंडा पौने दी संभावना ऐ। मुख्ये दे उत्तरी ईलाके च हल्की बर्फबारी होई सकदी ऐ।
5. आईसीसी चैम्पियन ट्राफी च भारत ने ग्रुप-ए दे अपने पैहलै मैच च बंगलादेश गी 6 विकेटें कन्नै हराई दिता ऐ।

<><><><><><>

PM Soul Conclave

प्रधानमंत्री नरेंद्र मोदी होर कल यानि 21 फरवरी गी नमी दिल्ली दे भारत मंडपम च SOUL लीडरशिप कॉन्क्लेव दे पैहले संस्करण दा उद्घाटन करडन। भूटान दे प्रधानमंत्री दाशो शेरिंग तोबगे मुख परौहने दे तौर पर मुख भाषण देडन। दो दिन दा SOUL लीडरशिप कॉन्क्लेव इक प्रमुख मंच दे तौर पर कम्म करोग, जित्थे राजनीति, खेड, कला ते मीडिया, आध्यात्मिक दुनिया, सार्वजनिक नीति, व्यवसाय ते सामाजिक क्षेत्र जनेह बक्ख-बक्ख क्षेत्रें दे नेता अपनी प्रेरक जीवन यात्राएं दे तजुर्बे सांझे करडन। एहदे नै उंदिएं कामयाबिएं, उपलब्धिएं, नाकामिएं-गलतिएं सोयां सिक्खने दा मौका थ्होग ते कन्नै युवा दर्शकें गी प्रेरणा मिलौग। सोल लीडरशिप कनक्लेव सैहयोग ते विचार नेतृत्व गी बढ़ावा देना, युवा दर्शकें गी प्रेरित करोग। सोल यानि स्कूल ऑफ अल्टीमेट लीडरशिप च गुजरात च इक अगामी नेतृत्व संस्थान ऐ, जिसी प्रामाणिक नेताएं गी सार्वजनिक भलाई गी अगगे बधाने च सक्षम बनाने लेई डिजाइन कीता गेदा ऐ। एहदा उद्देश्य औपचारि प्रशिक्षण गी व्यापक बनाना ते उनें लोकें

गी शामिल करना ऐ जेहड़े छड़े राजनीतिक वंश कन्नै नेई, सगुआं योग्यता, प्रतिबद्धता ते सार्वजनिकसेवा दे प्रति जुनून दे राएं अगगे बधदे न।

<><><><><><>

PM- Marathi

प्रधानमंत्री नरेंद्र मोदी होर अज्ज नमीं दिल्ली च 98में अखिल भारतीय मराठी साहित्य सम्मेलन दा उद्घाटन करगंन। मराठी गी हाल च गै सरकार आस्सेआ शास्त्रिय भाषा दा दर्जा दित्ता गेआ हा। त्रऊं दिनें दे इस सम्मेलन च कताबें दी प्रदर्शनी, सांस्कृतिक प्रदर्शन, बक्ख-बक्ख विषयाएं उप्पर चर्चा ते मन्नी परमन्नी दी साहित्यक हस्तिएं कन्नै गल्लबात सनें केई इजलास होंगन।

<><><><><><>

EAM

विदेश मंत्री डॉ. एस.जयशंकर होरें आखेआ जे कुल संसारी भू-राजनैतिक स्थिति माड़ी बनी दी ऐ ते कुसा टकोहदी सप्लाई चेन, बपार दे हथिनिकरण ते डाटा दे लैन-देन च पारदर्शिता उप्पर चेंता जाहर कीती। दक्ख अफ्रीका दी जोहानसबर्ग थाहर जी-20 मुख्खें दे विदेश मंत्रिं दी बैठक च बोलदे होई आखेआ जे मसनई ज्ञान, ईवी, अंतरिक्ष, ड्रोन ते ग्रीन हाईड्रोजन नै भू-राजनैतिक रूकावटें गी दूर करी दित्ता ऐ। उनें जोर देइयै आखेआ जे पच्छिम एशिया च शांति ते स्थिरता, विश्व दे विकास लेई बड़ी मती जरूरी ऐ। उनें आखेआ जे मतभेद, तनोतनी च नेई बदलना चांहदा ऐ ते तनोतनी, तनाजे च ते फही तनाजा जंग च नेई बदलना लोडचदा। डॉ. जयशंकर होरें आखेआ जे भारत, गाजा च लड़ाईबंदी ते बंधकें दी रिहाई दा सुआगत करदा ऐ। विदेश मंत्रिं दी बैठक दे अलावा डॉ. जयशंकर होर ब्राजील दे विदेश मंत्री माउरो बीएरा हुंदे कन्नै बी मिले। इक सोशल मीडियो पोस्ट च डॉ. जयशंकर होरें आखेआ जे उनें ते ब्राजील दे विदेश मंत्री होरें दपक्खी मुद्दें ते वैश्विक विकास पर चर्चा कीती। डॉ. जयशंकर होरें सिंगापुर दे विदेश मंत्री विवियन बालाकृष्णन हुंदे कन्नै बी मलाटी कीती। उनें दस्सेआ जे मलाटी च दपक्खी तालेमल गी होर मजबूत करने सरबंधी चर्चा होई। एह्दे अलावा उनें जी-20 दे विदेशमंत्री हुंदे कन्नै मलाटी कीती ते आपसी हितें दी दिशा च प्रगति बारे चर्चा कीती।

<><><><><><>

## Delhi Ayushaman

दिल्ली सरकार नै आयुश्मान भारत स्वास्थ्य बीमा योजना लागू करने दा फैसला कीता ऐ। दिल्ली दी मुख्मन्त्री रेखा गुप्ता होरें कल दिल्ली सरकार दी पैहली कैबिनेट बैठक दी अध्यक्षता करने मगरा मीडिया गी जानकारी दिंदे होई एह गल्ल सांझी कीती। उनें गलाया जे दिल्ली सरकार दी तरफा 5 लक्ख रपे दे टॉप अप दे कन्नै आयुष्मान भारत योजना गी सब्बने दी सैहमति कन्नै मंजूरी देई दित्तह गोई ऐ ते इसी तौले गै लागू करी दित्ता जाग। उनें गलाया ऐ जे विधानसभा दी पैहली बैठक च सीएजी रिपोर्टा पेश कीतियां जांगन। दिल्ली दी मुख्मन्त्री होरें घोषणा कीती जे ओह आम प्रशासन सेवा, वित्त राजस्व विभाग, महिला ते बाल विकास, प्रशासनिक सुधार दा प्रभार संभालगंन। आशीष सूद होर गृह गिजली, शैहरी विकास ते शिक्षा दा कम्मकाज सांभगंन। प्रवेश वर्मा होर पीडब्ल्यूडी, सिंचाई ते आड़ विभाग दा प्रभार संभालगंन। सरदार मनजिंदर सिंह सिरसा होर खाद्य ते आपूर्ति, जंगल ते पर्यावरण, ते उद्योग दा ते डॉ. पंकज कुमार सिंह होर सेहत ते परिवार कलयाण, ट्रांसपोर्ट दा पदभार संभालगंन ते कपिल मिश्रा होर कनून ते न्याय, श्रम विभाग दा प्रभार संभालगंन।

<><><><><><><>

## Weather

मौसम विभाग नै अज्ज पूर्वोत्तर च भारी बरखा ते गरज कन्नै अंधी चलने दा अनुमान लाया ऐ। अरुणाचल प्रदेश च केई थाहरें उप्पर भारी बरखा होई सकदी ऐ। अगले दऊं दिनें तगर पच्छिम बंगाल च गंगा कन्नै लगदे इलाके ओडिशा, असम, मेघालय, नागालैंड, मणिपुर, मिजोरम ते त्रिपुरा च गरज कन्नै अंधी ते बिजली चमकने दी मेद ऐ। अगले किश दिनें तगर पूर्वोत्तर च बरखा पौने दी पेशगोई कीती गोई ऐ। कल तगर जम्मू कश्मीर, लद्दाख, गिलगित, बाल्टिस्तान, मुज्जफराबाद, हिमाचल प्रदेश ते उत्तराखंड च बी हल्की बरखा ते बर्फबारी दी मेद ऐ। इस म्हीने दी 25 तरीक तगर तटीय आंध्रप्रदेश, यमन, केरल ते माहे च बी हल्की बरखा पेई सकदी ऐ।

<><><><><><><>

## Piyush

बंज बपार ते उद्योग मंत्री पीयूष गोयल होरें गलाया जे बक्ख-बक्ख मुख्खें बश्कार टकराव दे कारण सतत विकास लक्ष्यें गी हासल करना चुनौतीपूर्ण होई गेदा ऐ। कल पुणे च 6में सलाना एशिया आर्थिक संवाद दे उद्घाटन समारोह च उनें गलाया जे बिजली, पानी ते

शिडक जनेई जरूरी सुविधाएं दे बगैर विकास मुमकन नेई। उनें गलाया जे सरकार नै पिछले 11 ब'रेच इनें बुनियादी सुवधाएं गी बेहतर बनाने च महत्वपूर्ण प्रगति कीती ऐ। त्रऊं दिनें दे इस सम्मेलन च आस्ट्रेलिया, मिस्र, इंडोनेशिया, जापान, नेपाल, नीदरलैंड, सिंगापुर, दक्खन अफ्रीका ते श्रीलंका दे नीति निर्माता, शिक्षाविद ते उद्योग विशेषज्ञ हिस्सा लै'रदे न। कार्यक्रम आयोजन विदेश मंत्रालय ते पुणे अंतर्राष्ट्रीय केन्द्र नै सांझे तौरा पर कीते दा ऐ।

<><><><><><>

ICC

आईसीसी चैंपियनशिप ट्राफी च भारत नै शानदार जित्त कन्नै शुरूआत कीती। भारत नै कल गुप-ए दे मकाबले च दुबई अंतर्राष्ट्रीय क्रिकेट स्टेडियम च बंगलादेश गी 6एं विकटें कन्नै हराई दित्ता। पैहले बल्लेबाजी करदे होई बंगलादेश दी टीम नै 50 ओवरें च 228 रंज गै बनाई सकी। भारत नै लक्ष्य दा पिच्छा करदे होई 47में ओवरें च गै मैच जित्ती लेआ। शुभतन गिल गी प्लेयर ऑफ द मैच कन्नै सम्मानित कीता गेआ।

<><><><><><>